



Broj : 10/E-11-4322/25
Sarajevo: 03-07-2025 godine

Na osnovu člana 10b. i člana 18. stav (2) Zakona o javnim nabavkama („Službeni glasnik BiH“, broj 39/14, 59/22 i 50/24) – u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, br. 23/04), a u skladu sa zahtjevom Kabineta općinskog načelnika – Odsjeka za informatiku od 27.6.2025. godine, Opštinski načelnik d o n o s i

O D L U K U **o izuzeću od primjene Zakona o javnim nabavkama**

Član 1.

Od primjene Zakona o javnim nabavkama izuzimaju se usluge korištenja geoportala WebCity.

Član 2.

Procijenjena vrijednost usluga iz člana (1) ove Odluke iznosi ukupno 5.400,00 KM, a sredstva su planirana u Budžetu Općine Centar Sarajevo za 2025.godinu, kao i kroz Dokument okvirnog budžeta Općine Centar Sarajevo za period 2025.-2027. godine, na budžetskom kontu: 613915.
JRJN: 48610000-7 – Sistemi baza podataka.

Član 3.

Pravni osnov za donošenje odluke o izuzeću od primjene su odredbe Zakona o prostornom uređenju Kantona Sarajevo („Službene novine Kantona Sarajevo“, br. 24/17 i 1/18) i odredbe Uredbe o jedinstvenoj metodologiji za izradu planskih dokumenata („Službene novine Federacije BiH“, br. 63/04, 50/07 i 84/10). Navedenim propisima se reguliše oblast elektronskih komunikacija, odnosno izrade baze podataka putem informacionog sistema. Usluge iz člana 1. ove Odluke će pružati Zavod za planiranje razvoja Kantona Sarajevo.

Član 4.

Ova Odluka odluka stupa na snagu danom donošenja i ista će biti objavljena na web stranici Općine Centar Sarajevo.

O b r a z l o ž e n j e

Na osnovu zahtjeva Kabineta općinskog načelnika – Odsjeka za informatiku od 27.6.2025. godine u vezi donošenja odluke o izuzeću za usluge korištenja geoportala WebCity, Kabinet općinskog načelnika – Odsjek za javne nabavke predlaže donošenje iste. Procijenjena vrijednost za predmetne usluge iznosi 5.400,00 KM bez PDV-a.

Dalje, članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi, dok je stavom (2) istog člana propisano da u slučaju izuzeća od primjene iz člana 10. ovog zakona ili za dodjelu ugovora o nabavci usluga iz Aneksa II, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) ovog člana.

Članom 10b.Zakona o javnim nabavkama, propisana su posebna izuzeća od primjene odredbi ovog zakona, gdje je definisano:

„Ovaj zakon ne primjenjuje se na ugovor o javnoj nabavci čija je glavna svrha omogućiti ugovornom organu pružanje ili iskorištavanje javne komunikacijske mreže ili pružanje javnosti jedne ili više elektronskih komunikacijskih usluga, kako su definisane u posebnom zakonu kojim se uređuje područje elektronskih komunikacija.“

Predmetne usluge se mogu obezbijediti od Zavoda za planiranje razvoja Kantona Sarajevo, koji u svojoj nadležnosti pruža usluge izrade elektronske baze podataka, odnosno izradu web aplikacije za analizu i vizualizaciju prostornih podataka i prostorno planske dokumentacije.

Kako je **Zavod za planiranje razvoja Kantona Sarajevo** ovlašten da omogući pristup prostornim podacima Općine Centar Sarajevo, odnosno da osigura online i elektronski pristup podacima iz oblasti prostornog planiranja, pokreće se predmetna nabavka.

Pravni osnov za donošenje odluke o izuzeću od primjene su odredbe Zakona o prostornom uređenju Kantona Sarajevo („Službene novine Kantona Sarajevo“, br. 24/17 i 1/18) i odredbe Uredbe o jedinstvenoj metodologiji za izradu planskih dokumenata („Službene novine Federacije BiH“, br. 63/04, 50/07 i 84/10).

Procedura u vezi pružanja predmetnih usluga putem izuzeća će započeti danom potpisivanja ove Odluke, a Zavod za planiranje razvoja Kantona Sarajevo će dostaviti ponudu/predračun za iste.

U skladu sa specifikacijom usluga, sa Zavodom za planiranje razvoja Kantona Sarajevo će se zaključiti ugovor u trajanju od 12 mjeseci, sa početkom od 01.08.2025. godine i traje do 31.07.2025. godine.

Za praćenje i realizaciju ove Odluke, zadužen je Kabinet općinskog načelnika – Odsjek za informatiku.

U skladu sa naprijed navedenim ispunjeni su uslovi za izuzeće od primjene Zakona o javnim nabavkama ("Službeni glasnik BiH", broj 39/14, 59/22 i 50/24) u skladu sa članom 10b.

Analizirajući predmetni zahtjev, utvrđeno je da su ispunjene pretpostavke za realizaciju navedenih usluga, odnosno da su finansijska sredstva za ove namjene planirana u Budžetu Općine Centar za 2025. godinu, kao i kroz Dokument okvirnog budžeta Općine Centar Sarajevo za period 2025.-2027. godine, na budžetskom kontu: 613915.

Shodno zakonu i općim aktima Općine, Opštinskom načelniku dostavlja se prijedlog Odluke o izuzeću od primjene Zakona o javnim nabavkama na konačno odobravanje i saglasnost.

Cijeneći prethodno navedeno donesena je Odluka kao u dispozitivu.



Dostaviti:

1. Kabinetu općinskog načelnika - Odsjeku za informatiku,
2. Kabinetu općinskog načelnika – Odsjeku za javne nabavke,
3. Službi za finansije,
4. Evidenciji